

Istinska debata i veliki odziv birača mogu preokrenuti sudbinu ove zemlje



Evropska budućnost Bosne i Hercegovine je tu na dohvat ruke – ali još uvijek nije dosegnuta – i građani bi trebali zahtijevati da im se objasni zašto je to tako, izjavio je juče u Banja Luci visoki predstavnik i specijalni predstavnik EU Valentin Inzko.

“Evropska budućnost ove zemlje znači napredovanje ka prosperitetu koji su zemlje članice Evropske unije uspjele postići”, rekao je visoki predstavnik i specijalni predstavnik EU tokom obraćanja članovima Evropske akademije.

Visoki predstavnik i specijalni predstavnik EU je naglasio da provođenje programa evropske integracije nije težak izbor za Bosnu i Hercegovinu: “Neprovođenje tog programa jeste težak izbor.”

On je odbacio tvrdnju da napredovanje ka Evropi znači odricanje od prava i privilegija: “Pridruživanje Evropskoj uniji znači dobijanje istih ličnih i političkih garancija koje uživa 500 miliona građana EU”, rekao je Inzko. “Pridruživanje Evropskoj uniji znači uživanje istih ljudskih prava, istih građanskih prava, iste zaštite prema zakonu kao što uživa 500 miliona građana EU. Pridruživanje Evropskoj uniji znači dobijanje – ne gubljenje – sigurnosti, stabilnosti i prosperiteta.”

“Vjerujem da je velika većina onih koji podržavaju povratak na evropski put. To je put na koji se možemo vratiti. Ali da bi se to desilo, pitanje koji je najbolji put ka Evropi mora biti stavljeno u središte predizborne debate – i upravo zbog toga su slijedeće dvije sedmice toliko značajne.”

Visoki predstavnik i specijalni predstavnik EU je rekao da će tokom predizborne kampanje “izražavati principe – a ne podržavati stranke” te da će raditi na tome da osigura da građanima budu dostupne činjenice. “Još su dvije sedmice do dana izbora – dvije sedmice koje će uticati na sudbinu miliona ljudi. Ovo je ozbiljan posao i ne može se obavljati kroz stranačke slogane i nacionalističke mantre. Potrebna je ozbiljna debata. Potrebna je prava analiza.”

“Građani se često žale kako ne glasaju ni za jednu stranku zato što su sve iste”, zaključio je visoki predstavnik i specijalni predstavnik EU. “Zapravo, one nisu iste. Neke će se vratiti na put ka Evropi, a neke neće. Više ljudi će glasati na izborima ako osjete da imaju pravi izbor. Ako žele evropsku budućnost onda moraju uzeti aktivno učešće kako bi ostvarili taj cilj – a to znači da moraju dati svoj glas.”